

Gníomhaíocht a hAon

Tíortha faoi Thrácht: Bileog Eolais do Dhaltaí

An Aetóip



Príomhchathair: Addis Ababa

Daonra: 102.4 milliún

Airgeadra Oifigiúil: Birr (is fiú thart ar 3c 1 Birr)

Ionchas saoil: 65.9 bliain

Príomhthír chomhpháirtíochta ó 1994

Dea-scéala san Aetóip:

In 2018, chabhraigh Cúnamh Éireann chun a theagasc d'fheirmeoirí beaga conas níos mó tairbhe a bhaint as a gcuid talún. De thairbhe na cabhrach sin, tá níos mó bia agus níos mó airgid ag 180,596 teaghlach an-bhocht anois.

Fíric spraoi: In 1974, tháinig eolaithe ar iontaisí cnámh a bhain le speiceas réamhdhaonna san Aetóip. Cnámha mná a mhair 3.2 milliún bliain ó shin a bhí iontu. Tá na cnámha seo i Músaem Náisiúnta na hAetóipe anois.

An Mhaláiv



Príomhchathair: Lilongwe

Daonra: 18.6 milliún

Teanga oifigiúil: Béarla (Is teanga áitiúil í an tSiséivis a labhraíonn beagnach 60% den daonra)

Ionchas saoil: 63.7 bliain

Príomhthír chomhpháirtíochta ó 2007

Dea-scéala sa Mhaláiv:

In 2018, chabhraigh Cúnamh Éireann le breis agus 28,800 dalta bunscoile agus meánscoile sa Mhaláiv fanacht ar scoil nuair a thug siad airgead do theaghlaigh an-bhocht chun íoc as costais scoile.

Fíric spraoi: Thug J.R. Tolkien, údar *An Hobaid* agus *Tiarna na bhFáinní*, cuairt ar an Maláiv sna 1930í. Síleann a lán daoine gur tírdhreach na Maláive a spreag Tolkien nuair a scríobh sé faoi na 'Hobaid' agus faoin 'tSír'.

Mósaimbíc



Príomhchathair: Mapútó

Daonra: 28 milliún

Gné gheografach: Tá cósta Mhósaimbíc 7,000 ciliméadar ar fad, rud a fhágann go bhfuil sé ar an gcósta is faide dá bhfuil ann!

Ionchas saoil: 55 bliain

Príomhthír chomhpháirtíochta ó 1996

Dea-scéala sa Mhósaimbíc: In 2018, chuir clár cúnamh na hÉireann tacaíocht ar fáil chun rannóg éigeandála an Lár-Ospidéal i Mapútó a fheabhsú. A bhuíochas leis an tacaíocht sin tháinig laghdú 50% ar líon na n-othar a fuair bás le himeacht na chéad 24 uair an chloig san ospidéal.

Fíric spraoi: Ag ceiliúrtha traidisiúnta is minic a chaitheann mná as Mósaimbíc *capaluna*, píosa éadaigh dhaite.

Siarra Leon



Príomhchathair: Freetown

Daonra: 7.1 milliún

Stair: Bhí cogadh cathartha ar siúl i Siarra Leon idir 1991 agus 2002.

Ionchas saoil: 51.3 bliain

Príomhthír chomhpháirtíochta
ó 2014

Dea-scéala i Siarra Leon:
In 2018, thacaigh clár cúnamh na hÉireann le rialtas Shiarra Leon ábhair teagasc agus foghlama a chur ar fáil do 60,000 dalta agus 1,500 múinteoir i gCeantar Koinadugu sa Réigiún Thuaidh.

Fíric spraoi: I bPáirc Náisiúnta Outamba tuairim is 300 km isteach faoin tír ó Freetown, an gcreidfeá go bhfuil 220 speiceas éan ann?

An Tansáin



Príomhchathair: Dodoma

Daonra: 55.6 milliún

Gné gheografach: Is in oirthuaisceart na Tansáine atá Kilimanjaro, an sliabh is airde san Afraic.

Ionchas saoil: 65 bliain

Príomhthír chomhpháirtíochta
ó 1975

Dea-scéala sa Tansáin:
In 2018, thacaigh clár cúnamh na hÉireann leis an gcéad Chruinniú Mullaigh Digiteach don Ógra sa Tansáin agus chabhraigh leo scileanna a chothú agus poist a chruthú sa gheilleagar digiteach.

Fíric spraoi: Daoine a n-éiríonn leo binn Kilimanjaro a bhaint amach, is féidir leo nóta a fhágáil i mbosca adhmaid a choinnítear ag an mbinn chuige sin.

Uganda



Príomhchathair: Kampala

Daonra: 42.9 milliún

Príomh-easpórtálacha: caife, tae, cadás agus tobac

Ionchas saoil: 60.2 bliain

Príomhthír chomhpháirtíochta
ó 1994

Dea-scéala in Uganda:
In 2018, chuir clár cúnamh na hÉireann oiliúint feirmeora, tógálaí, meicneora, táilliúra agus gruagaire ar 837 Ugandach óg d'fhonn a ndeiseanna fostaíochta a fheabhsú.

Fíric spraoi: Is in Uganda a mhaireann an goraille sléibhe atá go mór i mbaol (riosca tromchúiseach ann go rachaidh sé i léig).

An tSaimbia



Príomhchathair: Lusaka

Daonra: 16.6 milliún

Líon na dteangacha oifigiúla: 8
– an tSiséivis ina measc, arb í an teanga a labhraíonn an chuid is mó de mhuintir Lusaka.

Ionchas saoil: 61.9 bliain

Príomhthír chomhpháirtíochta
ó 1994

Dea-scéala sa tSaimbia:

In 2018, shínigh Éire comhaontuithe leis an tSaimbia a fhágann go mbeidh níos mó comhoibriú polaitíochta agus eacnamaíochta idir an dá thír amach anseo.

Fíric spraoi: Déantar ceiliúradh ar Lá na hÓige ar an 12 Márta sa tSaimbia. Is lá saoire oifigiúil é agus bíonn paráidí sráide, plandáil crann agus imeachtaí spóirt ar siúl. Gach bliain, baineann daoine óga feidhm as an 12 Márta chun feasacht a ardú ar na ceistanna is tábhachtaí leo, amhail oideachas, fostaíocht agus cearta an duine.

Vítneam



Príomhchathair: Hanáí

Daonra: 93.4 milliún

Líon na mionlach eitneach: In Vítneam tá breis agus 54 grúpa eitneach éagsúil a bhfuil a dteanga, stíl mhaireachtála agus oidhreacht chultúrtha féin acu.

Ionchas saoil: 75.9 bliain

Príomhthír chomhpháirtíochta
ó 2007

Dea-scéala i Vítneam:

In 2018, thacaigh clár cúnaimh na hÉireann le léachtóirí de chuid Ollscoil Chathair Bhaile Átha Cliath agus Ollscoil Eolaíochta Chathair Ho Chi Minh cúrsa coicise eolaíochta agus saoránachta a sholáthar do mhúinteoirí agus mic léinn as gach cearn de Vítneam.

Fíric spraoi: Rinneadh Son Đòng (uaimh abhainn an tsléibhe) i bPáirc Náisiúnta Phong Nha-Kẻ Bàng, gar don teorainn idir Laos agus Vítneam, a taiscéaladh den chéad uair in 1991, agus is anseo atá na haolchoinnle is airde dá bhfuil ar eolas (cruthanna carraige atá cosúil le túir ag fás amach as an talamh i dtreo bharr na huaimhe).

Gníomhaíocht a hAon

Freagraí ar an Tráth na gCeist: Bileog Oibre do Dhaltaí

Ainm Foirne:

1

2

3

4

5

6

7 _____

8

9 _____

10

11

12 B_____

13 _____

14 _____

15

Gníomhaíocht a Trí
Grianghraf Immaculate: Bileog Oibre do Dhaltaí



Samhlaigh gur chuir Immaculate grianghraf chugat de rud atá tábhachtach di.
Tarraing an grianghraf sin sa spás ar an bhfón póca.

